

樊

山

集

樊山集卷十二

恩施樊增祥嘉父

還山集

己丑四月五月

己丑四月七日發長安留別關中同好

時歸營
窺步事

如雲冠蓋送將歸東引流蘇願未違故國青山餘片土百年
風木黯斜暉傾都士女瞻丹旄滿目關河泣素衣薄祿逮存
纔二稔始知捧檄計全非

關中朋舊數過存宦海居然氣誼敦醕酒飲人原易醉寶刀
贈客不言恩卽看花縣如鄉里况復桐民勝子孫異日樊川
投老處瓜疇十畝傍青門

紫巖妹聳自同州來送追及於藍田遂偕至坡底鎮宿
素車始南邁白馬忽東臨遲爾玉田側從余輟水陰帶圍春

後減燭淚雨中深一夕連牀話離憂那可任

初九日雨中發坡底鎮與紫巖別上山五里所猶見紫巖繖蓋

東去蒼山石徑微茸衫相對語依依不須更灑明珠淚四月溪亭雨溼衣

我已羸驂度翠微君猶飛蓋駐斜暉可憐如畫藍田縣細雨籠鞭獨自歸

是夕仍雨再寄紫巖

板屋蕭寒睡未能離懷如酒迴難勝依然短榻瀟瀟雨不似郵亭昨夜燈

雨中度棋盤嶺

一綫修蛇欲到天林蘿石棧互鉤連萬重雲海相摩盪一

乾坤百轉旋峻極飛鴻翻在下險多健馬不能前脩脩冷雨
藍關道猶勝韓公擁雪年

商州逆旅中有樓五楹風景如畫家人輩以爲官署中
無此蕭曠也爲賦一詩

乞得樓居卽是仙解鞍今夕憩商顏倚欄近俯羅裙水開鏡
平臨罨畫山風景定成他日憶袍靴甯及此時閒香驄明發
垂楊路夢繞東園紫翠閒

夜村食櫻桃

一斛虬珠照眼明山郵四月薦朱櫻筠籠處處常隨馬芳樹
垂垂欲妒鶯客裏酒杯風味淺林邊村落雨餘清杜陵野老
嘗新日寫盡春愁好句成

登舟

楊柳津頭問木蘭琴書兒女且隨緣鬢絲五載黃塵底重見
煙波一慨然

舟中雜詩

關中利車馬水程始商州山如青玉峽水若竹箭流咄哉湍
瀨閒操此無柁舟一日三百里言至荆關頭此閒屬大梁風
土稍不侔五載居關輔士民競歌謳俯仰南山碧夢寐輞川
遊忽聞語音異使我心煩憂

三日兩易舟言至浙川縣人煙既繁密樓櫓復完善頗聞官
府賢折獄民稱便東皋麥油油百錢得斗麴自河決鄭州林
澤多哀雁彼爲沙中魚此爲梁閒燕同是豫州民百里災祥
判有如同林果甘酸適相半燕息豈不多勞人自永嘆

荆妻生京邑未覩舟楫精南來見煙水眼若流波明水禽及

漁具一一詢其名頗畏風帆側喜聞柔櫓聲荻芽供美茹荇
葉製香羹隔林初曬網緣浦或逢罾始悟古圖繪漁樂皆眞
情願言浮五湖船若白鷗輕筆牀和鏡具終歲常安平煎茶
夙所嫻無爲買樵青

平明涉江口水激如箭筈清漢徑其右我舟出其左亭亭江
中流峰蓮秀一朵何許青螺螭白銀盤裏坐夙昔愛小孤風
帆十數過中閒花嶼懸四面煙波鎖茲峰乃酷似謂之縮本
可五年別九江天以持贈我惜哉不得泊急瀨下輕舸回頭
視煙鬟天際空婀娜

遙望襄陽城樓堞鬱參差眷言懷耆舊離若劫後棋郡中雷
廣文誨我成童時經藝稱巨手雜治古文詞潦倒三十年未
與苜盤辭垂垂兩鬢雪猶爲童子師高高鹿門山濯濯猗桑

枝其下有龐公妻子嗟此離不得拜牀下使我空涕洟
吾友陳仲弓除爲漢川宰瘠土居五年頗聞氣象改鱗鬣美
桑柘湖田足魚蟹我來訪循績父老言娓娓自公治吾邑旱
苗經雨灑牘有千言判獄無一錢買草屨登縣庭宛與家人
對諸生各嚮學羣盜亦知悔悔者爲善士學成被甄採一昨
移病去萬人淚成海有田忘耕犁有錢靳推解有冤不控訴
曰惟公是待感人入骨裏聽者色然駭吾亦折腰人因君勗
光采

青青女郎山七載不相見四月綠陰時落帆漢陽縣江漢多
密親邀我具蔬飯憐我宦達歸起居猶貧賤我言關中好古
風今未變食彼黃河魚衣彼漢中絹位卑名自高俸薄金有
羨官燭治文書蠶香展詩卷眞樸味有餘豪奢習未慣歸來

照江水儻未失真面

雨後書見

滿帆輕雨綠濛濛一晌林暉映水紅
怪得薄羅衫袖溼柁樓殘滴在疏篷

讀邸報恭紀

又見珠簾撤紫宸履端歸政降鸞綸
金甌不改山河舊玉殿重瞻日月新
五柞巡遊携

嗣主九蓮供奉徧都人分明記得延英語
社飯香時念老身少長椒庭侍宴游
聖年十八備長秋

官家早已虛金屋

太母欣然賜石榴班政翟衣臨繭館
問安珠佩過龍樓女堯坐對皋夔笑
佳婦佳兒共白頭

一德親賢翊紫微
肩輿許用杏黃衣
弓刀並沐金桃寵
珠玉新題御鶴歸
慈聖嘗畫松鶴詔王題詩其上
大禮深譏明宰輔
畫堂仍入漢宮闈
神機十萬今龍武
齊擁橐韃聽指揮

後春興五首

午夜鐘鳴紫禁開
掖門一炬失崔嵬
金鋪碎積琉璃瓦
內庫飛殘錦繡灰

慈聖詔停瑤島役
公卿爭赴柏梁災
銅駝無恙長安陌
莫效當年索靖來

冰合金門溜轉遲
遂牽錦纜補坤維
投瓊久已通河伯
鑄鐵無勞問海師
時西人有錢隄之議
瓠子頻年刑白馬
甘泉一日到紅旗
河東使者能稽古
對客長吟寶鼎詩

水落魚龍猶偃蹇
雪中鴻雁盡流離
兩河州郡人相食
千里

江淮歲浣饑宮府近聞減遊宴泉刀久已竭公私三吳開府
今長孺稍喜蠲金得便宜

去國荆舒氣不驕尙叨文綺謝神糕唯阿掾屬浮雲散標榜
聲名見睨消相業惟聞餐脫粟民錢頃已罷青苗暮年蛇足
誠多事悔不空山保後凋

輸金爭以助邊名墨敕斜封出上清朱紫有時加土木白衣
一日致公卿誰爲殿上批鱗手禁斷階前仗馬聲賴有朱屠
雙御史朝陽能作鳳皇鳴

養園端午呈器之外舅

不到名園近七年午晴濃暖似湘天湖州墨戲丁香鬼江左
風流扇子仙蕙箭纔舒花一二菰筒新試蜜中邊依然甥館
垂楊下雙燕重來亦可憐

奉贈羅鎮軍一首

手障岷江握虎符樓船上下讐天吳
母閭情以歸周慰祖述心憐擊楫孤
鞭撻健兒聊下酒標題駿馬各呈圖
平生愛讀春秋傳雅敬中朝士大夫

樊山集卷十三

恩施樊增祥嘉父

轉蓬集

起己丑六月
訖庚寅八月

伏日過申園納涼

進退格

淺草如茵步步隨綠陰
池館駐芳暉清溪跨石通
何處紅袖憑欄是阿誰
新茗須兼泉味品香車多待月明歸
輕柔最是長條柳逢著春人到地垂

諸十一兄招同葉林公大令泛舟至留園四首

消受西南淡蕩風
胥門煙水漾晴空
誰知走馬應官客
共載吳船偃仰中

芟盡喧涼語性情佳
兒行酒懣平生逢
宿同說經過事歷歷
樓臺鏡裏行

離是雲遮徑，蘚封池。荷香裏久，支筇芳心，慣得無拘檢。一朵

紅霞晚，尙穠。

荷花過午卽斂，池中一花至晚猶開。

秣陵此去賦煎茶，瑞事科場信可誇。恰似南都報恩寺，一莖

百合十三花。

若將分枝南開時留園，百合花盛開故以爲瑞。

滬上樓居一首

晚照西樓一面紅，賃居猶似在烏蓬。門臨帶水盈盈處，人坐垂楊裊裊中。海近魚鰲充貢品，家貧薑蒜挂屏風。不因老作諸侯客，淞滬何由著此翁。

壽丈於藩署西偏飾館待余，顏曰待雲已丑，秋日來處。

其中戲題一首

緇衣真有古賢風，陶氏停雲意略同。錦石秋花迎履屐，閒房春草閉簾櫳。暫安野鶴雕籠裏，且著猢猻布袋中。試泛滄浪

亭下水芙蓉千朵爲誰紅

輓周蒼生同年

孝綽人門兩絕倫
顏回好學坐亡身
北扉清秩渾忘貴
南海歸裝不禦貧
長史人間稱草聖
觀文地下作花神
唐衢窮老無多淚
爭使連年哭故人

佳人

小巷櫻桃第幾家
柳條金嫩未藏鴉
佳人拾翠沿春水
惡少雕青問狹斜
多事獄詞連綠草
有情墓誌述寒花
茵簷上下須臾事
祇有張穠在鈿車

秋晚作

過盡城南油壁車
伊誰來訪子雲家
吳天約略無多柳
越客工夫幾片茶
春扇漫捐麋綠竹
秋盆初試馬藍花
平陽嬌女

都如玉愛著新鞋印淺沙

同王可莊殿撰荔支灣泛舟奉贈一首

玉雪珠兒打漿迎荔支灣畔使星明園林似畫家家好香藥
如雲浦浦生錦纜牙檣花外度隱囊紗帽鏡中行東坡去後
今千載穗石重題內翰名

過廣雅書局一首

窈窕雲屏十二鑲蓬萊方丈道家山功名東壁圖書裏人物
南園伯仲閒錦石疎花秋未晚畫橋流水意俱閒杖藜歸去
誇臣向新自鄉環福地還

登廣州五層樓

炎洲層構鬱參差徙倚危欄欲暮時玉管雲山朝北極中原
天地盡南維風煙慘淡開黎姥香澳浮沈入島夷莫對西風

更懷古朱崖一議至今疑

余與陶少簣五兄別十許年頃至廣州少簣攝順德令
以事至會城得一執手爰與少簣仲彝子珍同試禮
部寢饋與俱殆非一日今子珍墓草已宿余三人亦
將老矣念之悽然遂有斯贈併示八弟心耘

離亭風笛十三年隴雁高秋兩寄箋
難得晚潮送君至一甌
香茗夜燈前

燕市新醅琥珀光青蛾都避少年狂
如今滿鬢生華髮海上
相逢淚兩行

綠衣白面昔華年總當承明侍從看
誰識烏衣好昆季一齊
紙尾署粗官

香草靈嬉

子珍自號如此

委逝波舊詞傳寫在宮羅
今年來往楓橋

路奈爾瀟瀟暮雨何晨與子珍同過吳門舟中展誦香山暮雨之句

八郎元髮不盈簪搖落垂楊似漢南諧笑尊前不當作卿猶

如此我何堪

題顧觀察風木圖圖為國初王副使瑛舊本觀察重摹屬題

雪色麻衣在黟廬松風如水曉啼烏惠州二百年來恨重見

泉魚第二圖

霸亭芳樹一沾巾歧路依依兩鮮民今日吳霜濃似雪渡江

重認素衣人

臘月二日挈眷還鄂賦示閨人一首

重作桓公入幕賓琴書兒女盡隨身初來蘭佩仍歸楚折得

梅花偶寄秦江路自齋磨鏡具春風真老畫眉人往來總傍

西山過慙見寒溪舊釣綸

孝達夫子爲葺精舍元冬晴暖花樹嫣然賦呈一首

解綬歸來復曳裾東頭分占屋渠渠一冬花木春相似在處
亭臺畫不如孝穆珊瑚供架筆昭明錦帶爲裝書勞勞韉版
來年事且伴官梅度歲除

己丑除夕寓廬守歲

鏡影釵光映燭深紅椒香裏幾沈吟烹鮮乍識家鄉味挽鹿
初無宦達心篋有辟邪剛卯玉囊餘壓歲錯刀金隴禽五見
梅花發今夕雙棲是舊林

新歲節署書懷

南衙風動戟衣明抱膝時間鼓吹聲別館梅花隨意發玉杯
竹葉照人清春寒簾幕留香久雪後園林見鶴行身是嚴公
門下客故應人日有詩成

素衣三載淚成冰，欲謝浮名苦未能。
昨買青山種松子，近隨金爵夢觚棱。
孤生何地懷江橘，寂寞無書諫浙燈。
安得春風依丙舍，東溪隨分設魚罾。

贈張布衣

青甌木榻苦耽吟，島佛蕭寒復見今。
白髮多憐爲客久，朱門靜比住山深。
閒陪節節傾三雅，老學仙人戲五禽。
不耐兩衙鳴鼓角，一生耳熟木魚音。

若自言前世爲僧

布衣和余前作再贈一首

板閣詩龕障碧紗，降真香裏讀楞伽。
寒山拾得空持偈，滄海王尼未有家。
孤峭門風餘柳栗，等閒篇詠爲梅花。
有時訪舊頭陀寺，帶索行歌每日斜。

登武昌城樓書感

形勝依然楚故都公私耗竭爲司徒琛航萬里仍飛渡樓櫓
層城儼畫圖五郡蜀淮爭井稅十年江漢困茶租流離不少
中林雁或共青春草木蘇

寄遲菊同年蘇州

八月秦淮惜解携飛虹橋上迎士聲簾時官身尙被科場溷書
局剛於宿望宜梅尉仙家誇得壻君娶於雪寶尉鄧氏柳卿聖旨敘填
詞蘇州自古煙波地到處湖山任量移

奉懷黃方伯丈

天假吳閶山水緣春風杖履益欣然詩名白傅傾中外政事
潛菴孰後先自選碑材摹草聖公最愛石公子素生善摹胡擬將亭榜署

茶仙城南一片滄浪水也抵東坡判事臬

效劍南

日日春寒掩敝廬花時無客到庭除
詩自詫蓮蓬印臨帖猶貪棗本書
偶愛健兒談馬槊未勞府主具魚車
故人多少風塵底持較潛夫總不如

送楊三舍人赴禮部試

華轂如雲集上蘭舍人書劍又長安
科場信有非常士館閣原爲本分官
金荔支猶垂錦帶貂襜褕好護春寒
鳳皇池上青青柳借作當年小影看

天教開母啓吾

皇霖雨思賢坐未央喜見至和天子
聖親焚忠孝狀元香衣冠儒雅趨神
武策論縱橫縛鬼章我友龍鬚與方
便桂林先探一枝芳

雨夜東譚仲修同年

往歲西堂共嘯歌十年離恨滿關河一春花事濕暝少此夜
樓居白髮多酒綠衫紅如夢耳燈長雨久奈情何蕉心捲盡
明珠淚細寫春愁上扇羅

附和作

譚廷獻

楊柳陰中客舍歌年年面皺向恆河斗閒劍氣隨星落
衣上緇塵比素多攤鼻謝公知不免濡頭阮籍飲亡何
人前語笑仍蕭瑟珍重當筵掩袖羅

效崑體二首

玉砌雕欄種女貞青溪婉孌最知名每持羅帶量腰細旋拂
鵲絃覺手生愁欲捧心歸越水病猶齟齬感陽城癡兒不了
藍田事狼藉春華付老兵

不識金微路幾程小屏蕃馬等閒輕豔歌子夜羞難讀佳帖

夢山集卷十三
靈飛寫未成眉黛自嫺宮裏樣錦機心識月中名如何絕代
香溪女更遣龍沙萬里行

附和作

譚廷獻

芳塵歲月掩青琴釵落苔階何處尋花外春痕連夜雨
夢中款語少年心離人瑤札頻頻寄遠道裳衣密密鍼
絳樹雙聲方婉孌明珠百琲一沈吟

早從水畔憶樓頭只隔簾櫳不隔愁上巳莫春吟勺藥
停辛伫苦抱空侯取中眉語花能答舞困要支酒莫浮
渺渺激波符西子未妨重泛五湖舟

次均和仲修武昌春望

歸來乍似雲中鶴小劫還悲江上樓故國鶯花仍上巳晴江
綺練自東流青琴海內存知己老樹城南識舊遊尙有辛家

酒醺在金龜乞與破春愁

仲修同年以長歌贈行次韻報之

丞相東閣不足安朱游但願松風蕭爽吹我樓與其束腰日
與督郵對母菊花下百叩煙卿頭先生盛名滿京洛子雲相
如競述作掉頭笑謝雙飛鳧挂席江天訪黃鶴玉笛仙人不
可尋幅巾高致還如昨江山是時代非繞枝烏鵲猶南飛襄
陽銅鞮白日晚漢上垂楊卽漸稀顏鬢非肝膽是擊筑悲歌
尙如此大黃射落堯時日釣絲盡盡江中水江水不抵春愁
深日莫徒爲梁父吟南山采菊北山笑相去甯止丈與尋劉
歆妄議揚雄瓠田文淚墮雍門琴我材濩落本無用風義頗
爲師友重幕府蓮從綠水開故侯瓜待青門種已判鹽車騏
驥牽何能飯具鸚鵡共一篇送我西入秦氣詎突過雷與陳

試看簿書流汗走關輔何似皋比北面稱經神

君時主經筵心講席

邁

菴老友霜鬢新涉江亦採春洲蘋盍簪如雲散如雨東風濛濛吹玉塵豈無傾蓋合不如舊雨真陶潛
在官八十日我懷澹蕩真其倫
長安雖云樂誓當早乞身清波門外有君三畝宅
好待白鷗與我來作東西鄰

附原作

譚廷獻

黃鶴仙人招我凌雲游拂衣直上百尺之高樓
餐霞舊侶樓上一握手問無恙外憐我今白頭
憶昔朱顏向宛洛酒酣悲歌相閒作雲閒陸士龍
目下荀鳴鶴浩蕩風塵二十年
弱顏意氣還如昨昨日是今日非餘音猶繞梁
塵飛春風芳草有時有晨星故人稀復稀昨日非
今日是去馬來牛竟如此崢嶸對面太行山淺深
彈指蓬

萊水山非高兮水非深龍劍挂壁時一吟六張五角不
可說兩刀一鞘行相尋成連先生刺船去水仙動操留
青琴男兒隨地必有用一絲九鼎論輕重君非百里士
元才我慚五柳陶潛種誰與柳下誰魯男請持方寸邀
君共我方游楚君入秦客中送客別意陳漢家循良往
往出三輔但聞衢歌還我神君神輕塵朝雨楊柳新楊
花落處多白蘋李陵哦五言目斷河梁塵王喬作令飛
來兩鳬舄羅縷治術何者非道真景差文章已寂寞一
師弟子殊等倫送君行矣藥裹隨吾身君留玉貌來結
黃石鄰

和仲修月夜獨步至明月橋一首

水柳籠煙薄似綃意行分付舊茶條明明月色菱湖寺獨自

沿鐘過石橋

張蘇卿公子二十生日索詩賦贈二首

銅籤晝漏報徐徐結夏論文一起予賭墅吹樓無習氣疏簾
清簟有琴書交游司馬康相似器業歐陽棐不如君看古來
名父子傳家不獨在緋魚

當年清醺預南皮親見庚寅始降時玉樹謝庭俱秀發香花
佛日盛威儀君以辛未浴佛前一日生縱橫冀野駒千里成
就燕山桂一枝銀鹿郎君今弱冠爭教吾鬢不成絲

春晚城西獨遊

閒傍西樓問酒家女牆迴合綠陰斜紅襟燕入誰家院白裕
人看何寺花小閣茶琴從黯淡市橋雞犬自繁華奚囊不獨
詩如錦留得餘錢伴畫叉

江通舟次書見

五月朔日

江風吹柳綠差差睡起科頭晏坐時乞汝葛巾瀝薄酒看人
縞韞賸殘棋醉來楚語紛歌笑局罷吳槍一詆譏閒倚船窗
記閒事錦箋書寄阿頻知

許益齋寄惠榆園叢刻十種奉題三律

娜環仙境起堂坳觸手琳琅那忍拋南閣風流今祭酒北堂
嬋雅舊書鈔侯鯖故是多兼味老鳳從來備九苞檀几珠塵
總臣僕祇應錢蔣與神交

奏開四庫亟修明

去年王翰林編諸開四庫館奉旨允行

會見黃衣下玉京謁

者陳農將遠使校書劉向是更生

君今年正月一病幾殆

別營高閣扶

文滙獨抱叢編補

武英聞說獻書開廣路如今王郎是閒

平

金洞橋邊小石渠古香浥浥子雲居昔稱二酉甯多讓今有
雙丁恐未如仁和丁氏昆季藏書亦富老去編成蠶尾集等閒收得兔牀
書憐余七載煙霜隔更滌春江寄鯉魚

留別仲修

嬾門尊前現在身蘇秦金盡更遊秦功名大似冬青晚臂膝
都如病木春君病臂膝余病膝把捉考亭方寸地較量司馬九分人風
塵且可留眞面歸日相看越水濱

尙書師巡視荊州萬城大隄增祥隨節西上賦呈一首

五月廿七日

雲裏方城詆蕩開

昔人謂萬城卽方城之訛

王程五月落江梅晴川日照

樓船出天塹潮迎玉弩回十丈紅蓮隨幕府一雙金虎護行

臺

時公兼署提督

章華二十年前柳重見尙書劍履來

公以庚午三月科試荊州

增祥亦
與分校

尙書師既聞江隄遵陸入郢沿漢而歸再呈一首

絳節西來過渚宮，袞衣東去迅飛鴻。將軍大纛青天上，僕射

行臺畫舫中。

公恐州縣供億以輪舟爲行臺焉

已遣荆人瞻露冕，更紆郢路

策花驄。眼看江漢俱杯杓，十萬魚龍在下風。

奉酬器之外舅贈別四首

世年牀下拜龐公，難得嬰春杖履同。救世婆心惟藥物，還山

相業付松風。南山種豆悲歌裏，東海看桑淚眼中。盡日垂簾

數人物，祇應博望是英雄。

張尙書師制楚常以時政諮訪焉

織素人今易織縑，歸來爭認女牀鸞。雙棲燕壘無朝暮，一樣

雞鳴問暖寒。

去年自秦中歸館於養園累月

宮羽自憐琴曲換，團圓仍作掌

珠看新詩更贈將。縱引誰道人閒宅，相難

公贈詩有外孫生長日記誦老夫詩

之句

垂髫時已聘雲英王謝家兒各秀瑩兄弟風塵今薄宦

謂端懷昆

季

文章閨閣舊知名望衡日日傳書札近侍人人識性情三

十六年來往熟玉臺贏得二毛生

風笛聲中酒未寒韋郎西去隴雲寬休論上界登科籍重試
人閒寫意官洗馬愁來成老大阿彪書至定平安劇憐清潤
潘家玉只向河陽縣裏看

外姑蔣夫人壽詩

併序

夫人以六月十九日生白頭花底靈壽雙扶紫竹林
中慈雲一片脩到神仙之福現來菩薩之身璫璫逢
齋綺羅成隊顏紅髮綠不緣阿母之丹飯白蔬青共
喫觀音之素增祥昔當卯歲隨宦辰州外舅以相馬

之九方許乘龍於一顧往來甥館三十餘年簾前鸚
鵡見客而呼名轅下香驄出門而識路盼來錦字則
檐鵲先鳴報到泥金則圍花俱笑書字徧題於團扇
詩篇稠疊於屏風雖故劍云非而新膠已續姆訓依
然詩禮慈恩逮及衿纓從此玉樹階前人人美好桃
花源裏世世婚姻謝太傅之閨庭自嫺風雅魏夫人
之弟子競學長生聊進詩章以當惶引

清涼六月瑤池水阿母年年右悅紅稽首觀音竹林下捧觴
蕭史畫樓中薰風萱草長驩樂生日蓮花小異同合與補陀
山並壽寫經萬本莫言功

贈王子常同年

君從泰西還同
在南皮師幕府

相思方丈蓬萊遠執手紅蓮綠水寒學記門人新箸錄詩盟

海國舊登壇。饑駟鬢髮凋。前緣靜坐工夫。養內丹。盧女金堂。
晚歸去。芙蓉妝面。捲簾看。

爲諸肖菊大令題李杜兩先生畫像

萬丈光中爲寫真。鶴天鯨海想精神。杜牧詩少陵鯨海闊太白鶴天寒蓬萊

闕下文章健。飯顆山頭日月春。契闊死生空有夢。亂離仙聖
各沾巾。後來何李如龍鳳。差向開天步後塵。

七月初五日薄暮同子常登武昌城樓

層城睥睨蘼清秋。坐見晴川匹練浮。晚泊諸帆依粉雉。新涼
一雁過朱樓。雲皆突兀如龍虎。月亦徘徊戀斗牛。側帽西風
正懷古。數聲漁笛起滄洲。

滬上寄懷黃子壽師

掉頭巢父隔煙霞。遙憶蜺旌駐館娃。西笑幾人思度隴。東遊

乘興更移家松陵米價平秋稔

吳中歲饑賴松
澠之米以濟

茶磨山光照

晚衙風景吳中故當勝陸生入洛不勝嗟

薄暮同栗園過澠上舊居

三條花徑遠塵埃無恙樓窗枕水開隔歲垂楊如許大新秋
雙燕爲誰來書燈尙記帷中影詩壁全侵雨後苔幾曲芙蓉
塘畔路依前鈿轂轉輕雷

栗園不遠二千里送余澠上賦此誌別

惻惻復惻惻與君千里別君住綠蘿西我辭洞庭北悠悠復
悠悠送余鸚鵡洲相思不相見已至海西頭前飛爲伯勞後
者爲燕燕追逐海西頭相思會相見昨送譚仲子輕舟還武
昌君從武昌至交錯木蘭艤海濱殊不惡勝友相尋索昨陪
陸士龍今迂荀鳴鶴風起屨塵香槐街十里長黃念賤如土

紅粉榮成行名園依淥水臨水紅霞起多少倚欄人靚妝出
花底從君上高閣命酒相斟酌羅袖拂人衣玉釵懷內落歸
來絃索鳴閒訪羅衣輕入琅仙琯合千朵玉蓮明歡游不可
極鷓首西風急今夕綺樓人明朝滄海客海雁一行秋征帆
不可留南風解君意吹夢古幽州

舟夜

時方過
淥水洋

五更轉枕聽鳴雞銜壁金缸一穗垂夢覺不知滄海闊一如
春雨小樓時

天津晤幼樵前輩奉贈二首

時居合
肥甥館

潘鬢三經塞草春還京才氣許誰倫超超眼竚猶殊眾奕奕
文章信有神未用陳濤悲杜甫終然蘇軾感宣仁瑄春江上
邊烽急早晚

君王起舊人

心如皎日終當白眼似西山無恙青有幾故人思薦達無雙
國士嘆零丁津橋柳暗啼鶉路仙館花深畫雀屏寂寞夷吾
棲海表可能無淚灑新亭

天津舟中示內

澣衣歸去慰離憂水驛風柔櫓更柔十里遠山供染黛一窗
秋水照梳頭簾櫳丁字剛如畫舴艋雙溪不載愁便作苕蘿
看亦得未須眞泛五湖舟

楊村道中

宛轉逢墟落蒼茫但水煙暗沙膠舫易偃柳接橋便飲酪思
溪茗調羹入海鷗挂絲山上夢朝暮繞幽燕

潞河夜泊寄栗園峽州

水郵誰共語星飯且孤斟
津鼓乘潮急船燈入浦深
秋生今夕夢月是故人心
不似湘東岸霜紅橘樹林

卷十三終

樊山集卷十四

恩施樊增祥嘉父

紫泥酬唱集

黃中丞丈監臨江南鄉試取道上海見示新作次韻二

首

鎖院經營亦費才

君王特敕下蓬萊

是科奉特旨整頓江浙鄉試場規

起家舊值承明署持節

新兼御史臺

公以藩司護巡撫事

月照樓船橫海出雲移紫蓋渡江來

七月廿五日夜乘測海兵輪出吳淞口

吳中桃李三千樹齊傍丹霄滿意開

風飄珠唾滿金閨韻事流傳到舉場團扇吳箋書紫字

監臨例用

紫筆

中冷秋水試茶香

故事第一泉惟林文忠曾正

規矩今猶在

皋皋

靈惜

文章老更強定許明珠出滄海至公堂上有歐陽

原作

吳中自古萃英才喜值 昌期慶榜開上下江分星使

節故事蘇皖府撫輪值監臨萬千人聚雨花臺良金不待披沙揀蘇屬

決科佳卷甚眾抱璞終因獻玉來

聖主求賢心更切欲儲楨幹翦蒿萊聯奉詔整頓場規

平明冠蓋出吳閭漸遠器塵入水鄉預卜三秋禾稻熟

萬頃江田禾苗蔥茂可愛遙聞十里芰荷香鍋灘上下十餘里皆荷蕩波搖但見

魚鱗動輪轉方知馬力強輪舟拖帶茶罷倚窗清睡足纔過

細雨又斜陽

莫愁湖懷古和壽丈

絕漠歸來身手強湖樓奪得女兒香秦淮畫舫依然入高廟

良弓故未藏王子一枰容賭墅春風雙燕合棲梁如今勾管

煙波事可是中山異姓王

原作

偉績誇稱兩代英
名湖難掩女兒名
佳人價比江山重
好色情於富貴輕
白苔紅蘂爭水立
翠微丹幃遠天橫
興來笑問鴟夷子
何似成連海上聲

秋闈雜詠十五首同壽丈賦

趙雲崧有分
按雜詠皆內簾事
今撫外簾日行事
宜詠之以補趙之闕云

考簾次韻

戟衛清森畫掩門
青氈結習老猶存
三方冠帶趨江表

簾員四十

人由江甯蘇州安徽三省檄調

半部文章用魯論
懸鏡定知無障翳
采蘭先

要翦蕪繁五年喚醒煎茶夢
壁上觀人任輕軒

增祥乙酉分校秦蜀今五

樊山集卷十四

年矣

原作

大政親裁正闕門南邦黎獻古風存再三 諳諭宜遵

守

時奉諭
整頓科場

四十賢人共討論

上江十六員
下江廿四員

鵬鷄高低

衡鑒靡遺龍集選禮文繁

是日詩題
用杜句

煎茶試院同欣賞

丹桂盈庭月滿軒

躍場

佩玉翩然降紫霞簪裾齊到上清家天臨奎壁星文朗地入

鄉環福分賒老愛八公依桂樹忙於舉子踏槐花他年五嶽

矧能徧勝具猶堪對客誇

公周歷舉場
筋力不匱

原作

憶踏名場五十年

庚子初
應鄉試

曾操寸管短簷前星移舊事

如春夢霓詠今番集眾仙似到月宮遊已徧偶思江水

引來便

水池水管引江水入場梅中丞所製

予心更擬孤寒庇廣厦還應

廣萬千

號數逾二萬人數常溢惜限於地不能增設

入關

北望觚稜拜冕旒

是日恭請聖安

霓旌前導擁鳴騶一封輶傳雙

持節

謂兩主司

十里珠簾盡上鉤天遣夷吾重江表

公奉特詔整頓科場

手提房杜上瀛洲

內簾十八人由公選定

飛虹橋下羅紋水照見朱衣

在上頭

原作

簇擁雙星下

紫鑾臣僚同叩

聖躬安煌煌鉅典

恩波闊秩秩賓筵禮數寬持節徐

看千仗出

監臨最

明與須使萬人觀仰維

當陞求賢

詔力果心精早夜殫

奉諭整頓科場有心精力果之訓

煎茶閒話白門秋遙指光芒射斗牛文萃英奇來海岱

兩主司皆山左人明

人有海岱英奇集班聯學士似瀛洲房十八諸曹盡是

琳瑯選上國憑將杞梓收鎖院沉沉深夜月莫隨王粲

賦登樓

四隅瞭望樓外民居相對向爲照影傳題之所入閣卽飭封閉

印卷

印坐號也

參差鱗籍各分行細蘸猩泥妥印牀興嗣千文憑識別茂先
萬戶好關防一時雪雁都留爪從此遊蜂各認房莫負紅鈴

珍重意義冠南面至公堂

原作

印似飛鴻印雪泥還如鳳字向門題棋枰著子原多路
井野分廬有定栖萬姓貫開江上下千文編就號東西

誰從矮屋舒虹筆頻使聲名霄漢齊

點名

紙上丹豪點注輕玉階臚唱此先聲旁行大似公卿表部勒
還如子弟兵何止萬人來庇厦直無一士不知名三吳詩禮
於今盛非復前朝復社生先是朝廷以江浙士習爲憂特
救整頓至是分三路點名士子皆
魚貫而入無敢擁擠諠譁者
公嘗爲兩江士子稱枉云

原作

夢裏驚聞舉礮聲紛趨三路聚羣星

三路點名以礮爲號林文忠遺法

龍門未許閒人入

送考不准入頭門

魚貫曾無越次行千里迢

遙如負笈一堂授受似傳經

荷考籃領卷

雲程從此扶搖上

更有鴻臚與唱名

封門

一丸泥可閉嚴關何況銀袍立鵠班禁斷紙鳶通一綫森沈
銅獸啣雙銀蛾眉春鎖三千女駿足雲封十二閑料得風檐
動詩興隔牆遙見孝陵山

原作

四門穆穆正掄才鎖鑰周巡日幾回便擬泥封千里固
不妨言路一時開閉關豈有深謀在擊柝如防暴客來
人似羣星滿霄漢天閭未啓且徘徊

歸號

一入龍門問導師條條深巷下簾時浮屠駐錫無三宿飛鳥
投林各一枝發篋更無新槩本是科禁帶石印陳文拂牆或有故人詩
笑看戰士都歸伍勝敗兵家未可知

原作

正是龍門躍鯉時登門翻訝路多歧偶然桑下住三日
且向林間棲一枝虎穴風生聞遠嘯鳳巢雲起應 昌
期莫嫌矮屋規模狹廊廟經綸此肇基

發題

萬本刊成累萬層小胥舉臚力難勝按讐莫倚鈔書吏

題紙皆躬

親按閱發付都爲受牒僧一出棘籬成故紙遙看簾箔上疏鐙

就中亦有華胥客敲徧闌干喚不應

發題率以夜半亦有高臥不起者收向用韓致

光語

剪燭同繙四子書內簾刊剏費工夫飛來花葉春應徧畫就
葫蘆樣不殊武庫有兵皆授甲銓司無吏不分符不知眾手
雷同裏操得科名左券無

仙吏傳呼受錄頻擁衾驚起月如銀喜於萬里家書至嚴比

三軍號令申炊粥誰為無米婦褰簾多是散花人莫言一紙功名薄何限英流此出身

令下千營共一呼諸生情切甚來蘇人於門外紛投刺散題者不

得入士待帷中類守株多似滿堂閑梵夾均如比戶綴桃符

號士子得題紙多粘壁上驪龍鱗甲探俱盡此會知誰定得珠

原作

書題天姥蕊宮來列炬傳呼鎖院開紫墨標鈴如錦綺

主考闕防用墨監臨監試提調用紫篇章分析似條枚豈同溝水流紅葉

合有文章賽碧瑰片紙投來驚夢醒手持彩筆上蓬

萊

何須更請試他題四子唐詩刻並齊字辨焉鳥看細大

紙如飛蝶向東西書詞洞達心懸鏡筆畫分明爪印泥

萬號千脾人共取是誰精思闕町畦

散飯

太倉紅粟漫相因置匕親嘗玉粒新

公先期驗視米色至是復親嘗之

王播

趁齊何踴躍陳平分肉要停勻蘊絲未吐蠶先飽得食相呼
鹿自馴異日鳴鐘兼列鼎粥藿休忘秀才貧

原作

帝爲粒民隆鼎養授餐典禮起文場厨官已飭千倉供
大府先將一勺嘗白粲紅鮮齊入詠吐經茹史自成章
應思天下饑由已推食從茲飯不忘

放脾

博帶褒衣納卷同上堂已了任西東王前何必驕盧後枚速
終當勝馬工

出場早者可以蓄養精力料簡考具遲則常有不及之勢

好放蛟魚歸碧解

莫教鸚鵡怨雕籠從來兵法兼擒縱賺得書生入彀中

原作

升堂濟濟士如雲卷帙真同雨葉紛蠶已吐絲應下箔

馬因解轡欲空羣有奴代負登科具市考具者門前書登科必用四字帖

遇友先談得意文一笑投籤還奪錦棄繻堪擬漢終軍

照出籤出門則投之

進卷

翠墨丹文各易書鏤箱催進雜瑕瑜三神山許人人到萬佛

場原日日殊每日進三西極頻煩供戰馬南交絡繹貢明珠

官廚日致江東膾誰解當筵味腹腴

原作

葫蘆依樣畫初成不論妍媸態共呈數紀三千排日進

每日進卷三千本藝分十四待人評王盧休更論前後不分府

章李無從識姓名錐處囊中應脫穎不知誰是百人英

約計人數百卷中一

出閣

故事監臨不待發榜臆對事畢即啓節還蘇

丹黃事了簡書催奕奕星文動斗台人踏飛虹中道出門臨
軟繡兩行開遙聽淡墨重陽榜猶戀煎茶昨夜杯贏得吳儂
語音好三年牙纛此重來

四所詩中丞丈命作

收卷所

都堂納卷靜無譁考格分明未許差最誤英雄由跡弛稍寬
繩尺惜才華救難從井非子忍玷可磨圭不汝瑕龍光昌陽
俱入籠丹成定屬阿誰家

原作

江分上下士爭趨座列東西各異區欲使眾材歸大匠
不教滄海有遺珠八條三約規無越百束千箱數盡符
百卷一束
千卷一箱底事仙人遭貶謫向隅猶自泣窮途
貼例從
寬尙百
餘人

彌封所

糊名故事起唐時緘秘眞成無縫衣包老定難關節到章持
或恐姓名非情同射覆誰當中事等探籌世所譏常格困人
可長嘆別頭一試至今稀

原作

古稱得士必知名翻覺糊名待士輕書盡緘滕如祕笈
機防漏洩類籌兵旁求似以枚爲卜摸索偏誇暗裏精

蘇子也曾章李誤紅題百八要分明

新定紅號百八十字

謄錄所

滴露研朱几硯春賜錢深念寫官貧

公選繕寫端序者捐廉給賞

郢書燕

說休沿誤晉帖唐臨始逼真南宋詞嚴倫減字北堂書愛影

鈔人祇憐三載賓興典苦累田閒識字民

謄錄例用州縣書吏捐吏遊役多以

民閒識字者代充

原作

碑篆傳摹慮失真却嫌真跡易書頻脫遺每恨文多誤

潦倒休矜草入神影刻故書依宋本寫經妙手效唐人

共期一字無差異朱墨相輝識苦辛

論謄錄佳者給賞

對讀所

藜火青時太乙臨技讐還抱菩提心脫文細掃林閒葉對語

相關枝上禽畫裏漁樵常互答樂中笙磬要同音斟刊亦是
專家業學派由來出向歆

原作

校讐文字擬經師對勘真如落葉披燭本過書燕郢誤
璞緣同韻鄭周疑念持似誦西方偈添減難依南宋詞
笙磬音諧黃卷好對韻用黃筆朱衣點額向伊誰

詠五色筆同壽文作

墨筆

主司用

不律親操典玉衡黑頭爭仰古公名學窮老氏知元牝賦愛
揚雄號客卿暗室燈前證因果片雲頭上助詩情怪來銀海
明如許應是東方漆點成

原作

眾俊爭趨翰墨場，卻將程墨定文章。明文有擬程擬墨之作，後僅題墨字。
不稱墨卷墨 藝語太簡畧，偏旁字擬金壺考長短。才憑玉尺量雞距，有芒精點勘烏皮。引几發輝光黑頭，誰是三公貴下筆。
眞教士氣揚。

藍筆

同考
官用

烏紗頭上蔚藍天，鏤管攜來點勘嚴。一旦謝青如脫穎，終朝采淥定盈襜。田堪種玉荒何忍，水似拖紳飲亦甘。乞與方袍好顏色，神君柳汁要均霑。

原作

心清本似蔚藍天，厚德還同種玉田。豈但詞頭分顯晦，不殊人面辨媼妍。淡如拖水微波動，濃擬垂珠滴露圓。網得良材青更勝，後生可畏勝前賢。

紫筆

監臨以下均用

天章頒到紫泥初操翰依稀在石渠寫上巒箋修五鳳佩來
金袋雜雙魚氤氲函谷關中氣公由陝臬撿撿薇花省內書
欲爲詩材添富麗魏家庭砌牡丹舒

原作

九天新降

紫泥書秉節權移使者車風送薇垣花款

款

自藩署啓程

星臨棘院屋渠渠金丹換得超凡日霞管揮

來判事初遙仰

禁城思奮筆自將忠悃達 丹除

朱筆

膳錄生用

華屋連雲置寫官盡將子墨換朱丹鬼神暗裏傳衣易珠玉
光中奪色難草長紅心知不死花生碧眼未宜看管城封邑
今何處總向珊瑚架上安

原作

五色迷離燭影寒
眼明方信奪朱難
點頭人近衣猶在
鈔手書成硯未乾
開卷未應看作碧
入鑪休使賦疑丹
黃滔登第覆試詩疑丹再入鑪

黃筆

對讀
注用

交交鳥語棘牆陰
卷裏檀痕點注深
硬搨好摹蠹碾帖
瘳吟合鑄浪仙金
報酬幼婦書碑手
粉繪秋花向日心
爲語毛生持晚節
重陽還共菊英簪

原作

何須月旦漫雌黃
句讀分明點畫忙
好處每從初寫得
貼來無異舊文詳
宋時貼黃皆錄正文於別紙貼卷後今仍之
中含通理多
精妙字有模糊待
審量請看宣麻張
榜日縈紆青紫綰

金章

次韻監臨院桂

中秋作

託根何幸接蓬瀛，徙倚柯陰待月明。
一曲銀河泛槎客，滿庭芳露煮茶聲。
佛家金粟前身是，漢殿天香入骨清。
此夕燕山秋思迴，五枝應似竇家榮。

公二壻一姪一孫及豚兒皆試京兆

原作

人人攀桂盼登瀛，催得花開趁月明。
老樹霜侵寒有韻，中庭露冷溼無聲。
捲簾香氣紛來撲，入卷秋光分外清。
此際西莊同玩賞，孫枝應放一枝榮。

次韻監臨院竹

未妨筆記署筠廊，萬个琅玕几硯涼。
看竹高情說吳下，紀文故事引蕭梁。
春風待作龍鬢友，秋實應垂鳳咮堂。
願取此材

爲藥籠盡收苓朮與昌陽

原作

何年種竹倚修廊風景蕭疏雨意涼蔽日未容攄萬葉
凌雲應許用三梁高如國號無雙士清待人題有斐堂
先後筍生同軾轍讓人頭地是歐陽

試院中秋看月華同作

一輪金鏡影山河七寶裝成彩翠多
搗盡元霜供駐景織成花錦記登科
嬋娟玉露侵衣袂往復仙雲蕩綺羅
移得胡牀向江表南樓清興更如何

原作

鵲飛蟾起月如銀華彩相宣景更新
五色雲開圓有量三台星朗淨無塵
清光早已懸冰鑑輕縷休教絆玉輪

待得泥金來報曉桂花香裏引杯頻

再詠月華

碧天萬頃彩雲同可是吳剛斧藻工圓比雀屏開金翠幻如
蜃氣結青紅禁持風露流蘇裏掩映山河錦繡中正是羣真
朝散後幾多霓羽御天風

土子是
夜出場

八月十八日夜明遠樓看月

振袂來登第一樓依然月色似中秋幅巾藜杖無公事玉露
金風此俊遊左顧一龍蟠白下

鍾山當
其左

南飛片鶴落黃州青

天玉宇高寒極蘇軾終然念覓旒

原作

萬景俱澄月色明高樓縹緲俯滄瀛看山尙說興王跡
角藝如聞戰士聲庾亮一隅猶遣興元龍百尺自豪情

有人滇海遙相憶，聞世還應賦更生。

唐鄂生中丞戊午四川闈中有對月

見懷之作迄今三十餘年矣子去年病後自號更生

試院喜雨次韻

已慰諸生九日思

俗以九日晴明為秀才一樂

大田霑足老農宜，膚雲總

傍催詩地德雨應，逢入相時不少玉壺酬表聖，未容青箬伴

天隨淮南叢桂俱含潤，定有天香滿月儀。

原作

雨澤常廛

聖主思士農，交慶雨皆宜。

晚稻盼雨開場畏雨

山川醞釀為霖意

日月光華久照時，綠野有人歌既渥。青雲得路喜相隨。

經綸攸濟資賢佐，鴻漸天逵待羽儀。

代壽兩江制府曾元圃太保

優詔東山起謝安金陵形勢儼龍蟠留都舊立尙書省五等
仍兼保傅官九殿酬功頒玉節四夷拱手奉珠槃翰林制

誥黃扉榻只當公家故物看

公從孫新入翰林

幕府青山夙有緣戟牙長帶六朝煙掃空結綺臨春地坐嘯
清風朗月天

公以中秋後五日生

賓從才俱勝令僕偏裨官亦致貂蟬

江東父老無他望更祝旌旄駐百年

累朝恩眷倚長城龍膺當年事可驚被甲艱難三百戰背鬼
忠義入千兵身臨黑水遼陽固手散黃金澤潞平服玉仙人
諸劫過瑤房金闕自長生

慚說人同丙子生春明杯酒玉昆情

壽丈與制府同歲曩在都下因文正公識荆

文章昔已師前輩政術今猶獎老成偶以前茶陪杖履尙堪
磨石紀勲名何時履道坊中臥靜聽沙隄馬過聲

補題秋堂讀畫圖

壽丈陳臬關中嘗以暇日招同西屏誠齋諸君從容
文醺盡出所藏名畫示客瀕行屬西屏繪圖題咏甚
眾祥以銜恤未遑也頃來吳下補書卷端以誌墨緣
併寓離合之感云爾

酒杯閒召客山翠靜當衙閣暝妨開卷籬疏待補花涼風生
畫樹苦趣在眞茶爲謝桓公客圖中着孟嘉

再題青門送別圖

圖亦西屏所作頃自秦中來具道秦客之意云爾

祖帳青門有去思至今三輔望旌旗霸亭兩換風前柳吳苑
重題畫裏詩叅佐屢陪羊叔宴諸生多受馬融知若教一范
當西面更製金閭惜別詞

樊山集卷十四

三

法黃石山水畫卷

以下諸作皆中丞丈屬賦

詩盛於杜古意微文盛於韓古法衰畫家四王號極盛盡變
渾厚矜矩規前明遺老多師古從元四家溯董巨墨池歎溢
驅蛟龍陰崖呀開走風雨就中最數法若真穀城片石契以
神懷中素書棄不讀稱詩作畫雙嶙峋畫山全浸玻璃水畫
樹不辨麤麤雲玉蜍花管孕靈液無窮雲水生奇新公藏此
卷乃先澤元氣淋漓眞宰泣耕煙以後驚密緻難與膠留竟
魄力我詩不稱古畫圖又下杜詩與韓筆

羅兩峯畫張荆圃登岱圖

山人曠代丹青手神物今屬楓林交岱宗刻劃無遺形霧壑
雲泉勢奔走當年張氏亦好奇句羅作圖廣以詩乾嘉老輩
競賞譽河數典高譚谿客也好奇又過之蛇年蠟屐從兩

兒

公以己巳歲携諸郎登岱

脫巾小憩經峪石解帶量取秦松圍殘碑無

字忽有字璫蠟椎拓探厓巖

公手搨沒字碑得帝極震三字

僧房夜抱嶽頂

雲萬松震蕩秋濤翻箭蒲下酒月照席鑪灰畫詩虎攫門五

更御上觀海石朱霞猛起扶桑根天風吹陸綠玉杖海日湧

現黃金盆蓬萊東望若龍蜃黃河北折真絲繚歸來展畫更

研讀百年前已傳其真

圖成於乾隆辛卯距公登岱時將百年矣

我生好奇困塵

鞅嵩華屢經未能上花之寺僧信可人慰我多年紫霞想側

聞海岱多仙靈石壁巉峭鬼斧成羅以鬼趣圖真形神妙直

欲無丹青公家富敵雲林閑臥游日飲特健藥好藏雲笈慎

局鑰勿使雷公常畫攫

趙文度爲吳徹如畫南岳山房圖

王百穀董文敏題

古人畫嶽難畫衡九向九背深且清岫嶠東俯會稽穴蓮華

西與金天爭義陽吳公官九列湘灣規築屋數楹瑤房窈窕
雁峰麓湘帆歷歷過平聲柴荆屋裏素書充瓊笈門外遠山橫
翠屏南宗好手趙文度爲寫初與邱壑情亭臺安放最佳處
調和心手相經營石氣中含太古潤松光晚發諸峰晴畫石
上有暖雲起寫松下有流水鳴三年皴染意始足宗伯拈出
山靈驚董跋云文度作此圖三年始成未書名款亦如北宋諸名手自負其高待人暗中摸索耳庚午爲拈出
神物流傳落公手裝以錦段方英瓊昔也翰林弄煙水相陰
買田薄可耕東山一出垂十載放衙夢墮衡嵐青願持此圖
作粉本松閒結屋饒茯苓九疑帝子伊可接軒轅道士吾同
盟還將宰相十年事換取地鑪山芋羹

王石谷畫廬山看雲圖

跋云董文敏遊廬山自天池策杖大林寺至玉照下視山腰俱

爲雲霧所斷四空濛濛作白豪光身如在銀海中無復林麓村墟可得以爲畫家未曾收此奇景及披范

寬此卷宛然廬山所見也獨是日見廬山上方諸峯
亦縹緲沒滅化爲飛煙斷靄耳康熙丁亥初夏非煙
學人王
暈識

華亭宗伯神仙人洗眼來看廬山雲虛空初起如匹練頃刻
礧谷交氤氲皎若吳門散白馬皓若珠樹翔鶴羣華嚴樓閣
樹杪見上方鐘磬風中聞勝遊百年缺圖畫王郎持筆不敢
下歎然披見范寬圖置身宛在白玉壺瑤池水光峩嶢雪調
鉛急起相追摹雲外閒先峽雲際大林寺萬壑千巖積翠深
蟻人豆馬盤空細仙山何樹非梨花道人有衣皆鶴氅耕煙
墨妙妙入神竹弓彈粉無此勻雙煙一氣紫霞繞交花不斷
匡廬春怪他一片蟾蜍玉收盡香鑪萬古雲

沈石田綢筆山水

細沈粗文見每難居然寶繪落人間畫眉墨寫牛毛樹秋兔

豪鍛鼠尾山

清湘老人著色山水

氣骨鷗波迥不同
鈍椎勤打破山鐘
道人身是遼東鶴
城郭依稀淚眼中

查梅壑山水冊四首

晚釣溪雲重
秋篷浦照微
水禽愛明鏡
煙際一雙飛
詩要將濃作淡看
畫從密處得疎難
一株澹墨風前柳
沙水蕭蕭特地寒

煙澗官橋柳
蒼明礪戶扉
江南春水色
應染惠崇衣

乾坤清氣尺縑中
綺石湘筠各一叢
安得秋齋掩書坐
靜聽疎雨滴梧桐

宋芝山

葆清

山水冊四首

泉無斷流老樹有佳致或者鷹阿樵來畫寒山寺
樓閣鈎心起雲山入理深由來小李畫細筆用松鍼
皴石雲頭重添林鼠足輕江東程穆倩焦墨最知名
畫家論水法水活雲意間定州白甌子染徧六朝山

奉和中丞丈曉發石城贈別二首

道左干官送羽旗簡書江上自逶迤紫泥作記新成帙畫簞
巡河合有詩

公此行兼勘
徒陽水利

望氣猶龍迎老子使船如馬愛吳

兒垂垂凍雨寒雲裏回望鍾陵有所思

一月春風繞絳紗夜堂官燭午甌茶小題文費經綸手

公論
時文

極細謂作墨藝
必先工小題

隸事詩兼掌故家

閨中所作
皆紀事詩

秋水極天懷杜

若舊人幾箇傍蓮花插莢時候孤帆別多分登高憶孟嘉

